

治畢竟不發世出世法互相成顯若離三諦無安心處若離止觀無安心法若心安於諦一句即足如其不安巧用方便令心得安一日之羅不能得鳥得鳥者羅之一目耳衆生心行各各不同或多人同一心行或一人多種心行如爲一人衆多亦然如爲多人一人

亦然須廣施法網之目搏心行之鳥耳如是
委細種種安心利鈍齊收自他廉利若有聞

者頂戴修行

宗鏡錄卷第四十四

金人之言也
屈古拜反至耄莫報反虧缺去爲反鄙陋方美反耻

十九末

也 桂 邊步 反 匪
也 桂 宰也 反 匪
齡 年郎也 丁反
憔 年郎也 丁反
皺 皺面 敦
撫 小而遇反
也 桂 而遇反
匿 義女力 反 脂
也 桂 皮羣也 反
腰 倉奏反
也 桂 背腰也 反
勝 肩腰也 反
也 桂 倉奏反
頰 杜回 反
也 桂 其冀也 反
泊 關其冀也 反
也 桂 通近兒也 反
也 桂 通近兒也 反
選 思充 反
也 桂 充反 大盈
瀛 以大盈 反
也 桂 醉秦 反
也 桂 醉秦 反
也 桂 以周之 反
也 桂 以周之 反
也 桂 以然之 反

無生無有起性空寂滅無所作疏釋云定慧雖多不出二種一事二理制之一處無事不辦事定門也能觀心性契理不動理定門也明達法相事觀也善了無生理觀也諸經論中或單說事定或但明理定二觀亦然或敵體事理止觀相對或以事觀對於理定如起

宗鏡錄卷第四十五

慧日永明寺主智覺禪師延壽集

綺五

夫已上是引台教明定慧二法安心次依華嚴宗釋華嚴經云於眼根中入正定於色塵中從定出示現色性不可思議一切天人莫能知於色塵中入正定於眼起定心不亂說眼

蛆 在 余 反 虫 中 也 蟹 施 隻 反
既 望 仍 吏 反 爪 蟹 虾 毒 施 集 反
反 銑 送 既 奚 反 驎 物 犀 纓 施 集 反
也 埴 苦 感 反 扶 牧 驸 唐 佐 反
也 埴 陷 反 坏 扶 於 決 反 驂 貌 重 徒 反
也 埩 紅 反 芳 杯 轉 陰 分 不 明 也 膜 慕 各 反
也 淬 汗 反 轉 也 巴 也 反 止 目 攻 古 反 謁 蓋 於
也 捕 薄 故 反 止 晰 香 衣 反 擊 紅 許 乾 反

信論云止一切相乃至心不可得爲止而觀因緣生滅爲觀或以理觀對於事定此經云一心不動入諸禪了境無生名般若是也或俱通二此經云禪定持心常一緣智慧了境同三昧是也或二俱泯非定非散或即觀之定但名爲定如觀心性名上定是也或即定

之觀但名爲觀如以無分別智觀名般若是也或說雙運謂即寂之照是也所以局見之者隨囑一文互相非撥偏修之者隨入一門皆有尅證然非圓暢今此經文巧顯無礙略分五對第一對根境無礙謂觀根入定應從根出而從境出者爲顯根境唯是一心緣起

無二理性融通是故根入境出耳境入根出亦然第二對理事二定無礙謂分別事相應入事定而入理定欲觀性空應入理定而入事定以契即事之理而不動故入理即是入事制心即理之事而一緣故入事即入理而經文但云入正定不言事理及乎出觀境

中即云分別色相斯事觀也根中即云性空寂者理觀也亦合將根事對於境理以辯無礙第三對事理二觀無礙謂欲分別事相應從事觀起而反從理觀起以所觀之境既真俗雙融法界不二故分別事智即是無生之智二觀唯是一心故亦應將境事理對根事

理以辯無礙第四出入無礙以起定即是入定故起定而心不亂若以事理相望應成四句謂事入事起事入理起理入理起理入事起若以根境相望又成四句謂根事入境事起等一一思之皆有所由又或以理觀對於事止謂契理妄息也或事觀對於理寂謂無

綱五

二

念知境也或事觀對於事寂謂觀於一境心不動搖也或理觀對於理寂亡心照極也如百門義海云明出入定者謂見塵性空十方一切真實之理名爲入定也然此見塵無性空理空時乃是十方之空也何以故由十方之心見於一座是故全以十方爲塵定亦不

礙事相宛然是故起與定俱等虛空界但以一多融通同異無礙是故一入多起多入一起差別入一際起一際入差別起皆悉同時一際成立無有別異當知定即起起即定一與一切同時成立出入無礙也第五對二利體用無礙謂於深根起定心不亂是體也自

利也而不礙理舒於廣境是用也人天不能知利他也良以體用無二故自利即是利他此上十義同爲一聚法界緣起相即自在菩薩善達作用無礙又經且約根境相對亦應境境相對謂色塵入正受聲香三昧起復應根根相對謂眼根入正受耳根三昧起等云色性難思等者即色等惣持是色陀羅尼自在佛等亦應云分別眼性難思有眼陀羅尼自在佛等又眼中云性空寂滅即眼之度門眼等本淨亦應云色等度門色等本淨不唯取相爲染無心爲淨而已也又以智論三觀束之分別色相等是假名觀也性空寂滅是

空觀也此二不二色性難思中道觀也三無前後皆是一心上來無礙深妙難思始學之流如何趣入今當總結但能知事理無礙根境一如念慮不生自當趣入是以事中即理何曾有礙心外無境念自不生如是則入宗鏡之一心成止觀之雙運方能究竟定慧莊

嚴自利利他圓無盡行又若心不安人在三界內未入止觀門非習學之者情牽萬境意起百思投五欲旋火之輪未曾略暇陷五濁狴牢之處何省暫離塵網千重密密而常籠意地愛繩萬結條條而盡繫情田聳高阜於慢山橫遮法界淘長波於貪海吞盡欲流若蟻聚蜂攢攀緣役役如鼠偷狗竊結構營營八苦之談長燒二死之河恒沒輪迴生滅苦惱繁纏皆是不能自安心耳今爲於生死長夜無明塵勞三界大夢之中獨覺悟人割開愛網欲透苦原將求如來大寂滅樂者如前所述安心之門直下相應無先定慧定是自

心之體慧是自心之用定即慧故體不離用慧即定故用不離體雙遮則俱泯雙照則俱存體用相成遮照無礙此定慧二法修行之要祖佛大旨經論同詮所以法華經云以禪定智慧力得法國土又云定慧力莊嚴以此度衆生華嚴經頌云衆生惑見恒隨縛無始

稠林未除翦與志共俱心並生常相羈繫不斷絕但唯妄想非實物不離於心無處所禪定境排仍退轉金剛道滅方畢竟大涅槃經云定慧等學明見佛性又云先以定動後以智拔大智度論云禪定爲父智慧爲母能生一切導師又云以業力故入生死以定力故出生死故云禪非智無以窮其寂智非禪無

以發其照何者謂禪無智但是事定若得智慧觀於心性即爲上定若智不得禪乃爲散善分別慧若有定如密室燈寂而能照離動分別成實慧故若定慧雙運動寂融通則念念入三昧之門寂寂運無涯之照如上種種

開示種種證明如是調停如是剖抉繁簡要去僞存真以無數萬億諸方便門皆令一切舍生盡入此宗鏡如囊中有寶不探示之誰有知者猶室中金藏未遇智人何由發掘若珠蔽內衣裏弗因親友所示爭致富饒似窮子之家珍非長者之誘引曷能承紹設或

明了信入無疑更在當人尅已成辦鍊磨餘習直取相應一切時中不得忘照自量生熟各逐便宜此是修定時此是修慧時若掉散心須行三昧若惛沉意宜啓慧門若處見修位中此是行時非是證時若居究竟即內此是證時非是行時不可如二乘忽忽取證沉

實際之海溺解脫之坑又不可傍無聞比丘妄指無生求昇反墜似苦行外道唯投罇期悟遭迷斯定慧門是真修路照宗門之皎日泛覺海之迅航駕大白牛車之二輪昇第一義天之兩翼等學而明見佛性莊嚴而可度衆生爲法國土之王因茲二力出生死海

之底全假雙修散妄亂而似風吹雲破愚闇而如日照世動邪見之深刺拔無明之厚根爲大覺海之陰陽作寶華王之父母備一乘之基地堅萬行之垣牆以此相應能入宗鏡前據台教明五百番安心法門皆爲逗機對病施藥今依祖教更有一門最爲省要所爲

綱五

五

無心何者若有心則不安無心則自樂故先德偈云莫與心爲伴無心心自安若將心作伴動即被心謾法華經云破有法王出現世間淨名經云除去所有唯置一牀即是除妄心之有外境本空以心有法有心空境空故起信論云是故當知一切世間境界之相皆

者澄湛令無二者當體是無澄湛令無者則是攝念安禪蠲消覺觀虛襟靜慮漸至微細當體是無者則直了無生以一念起處不可得故經云一念初起無有初相是真護念寶藏論云夫離者無身微者無心無身故大身無心故大心大心故則智周萬物大身故則應備無窮是以執身爲身者則失其大應執心爲心者則失其大智故千經萬論莫不說離身心破於執著乃入真實譬如金師銷鑄取金方爲器用若有身者則有身礙有身礙故則法身隱於形殼之中若有心者則有心礙有心礙故則真智隱於念慮之中故大道

不通妙理沉隱六神內亂六境外緣晝夜惶惶無有止息矣夫不觀其心者而不見其微不觀其身者而不見其離若不見其離微者則失其道要故經云佛說非身是各大身心亦如是此謂破壠歸實會假歸真譬如金師銷鑄取金方爲器用滅相混融以通大冶大

綱五

六

治者謂大道此大道治中造化無窮流出萬宗若成若壞體無增減故經云有佛無佛性相常住所言混融相者但爲愚夫著相畏無相也所以說相者爲彼外道著於無相畏有相所以說中道者欲令有相無相不二也此皆破執除疑言非盡理若復有人了相無相

以非心量爲遺心量若以非心量爲是斯即心量今謂非心量即不思議之心量者不礙心量故如華嚴經云菩薩住是不思議即非心量於中思議不可盡即之心量以二相即奪故思與非思俱寂滅又云於非心處示生於心者人多誤解情作非情非情作情若執

綱五

七

平等不二無取無捨無彼無此亦無中間則不假聖人言說理自通也如上所述皆爲有心成障若乃無心自然合道即是離其妄心真心不動如釋摩訶衍論云離心緣相者心量有十一者眼識心二者耳識心三者鼻識心四者舌識心五者身識心六者意識心七

者末那識心八者阿賴耶識心九者多一識心十者一一識心如是十中初九種心不緣真理後一種心得緣真理而爲境界今據前九作如是說離心緣相本有契經中作如是說甚深真體非餘境界唯自所依緣爲境界故楞伽經云非心之心量我說爲心量者謂

巧後雖無心以久習故箭發皆中我亦如是初學不思議三昧繫心一緣若久習成就更無心想恒與定俱又先德云一念妄心纔動即具世間諸苦如人在荆棘林不動即刺不傷妄心不起恒處寂滅之樂一念妄心纔動即被諸有刺傷故經云有心皆苦無心乃樂

當知妄心不起始合法身寂滅樂也問本自無心妄依何起答爲不了本自無心名妄若知本自無心即妄無所起真無所得問何故有心即妄無心即無妄答以法界性空寂無主宰故有心即有主宰有主宰即有分劑無心即無主宰無主宰即無分劑無分劑即無

寂隨境鑒辯皆是實性自爾非是有心方始用也只謂衆生不了自心常寂妄計有心心便成境以即心無心故心恒是理即理無理故理恒是心理恒是心故不動心相心恒是理故不得心相不得心相故即是衆生不生不動心相故即是佛亦不生以生佛俱不生

故即凡聖常自平等法界性也純一道清淨更無異法當知但有心分別作解之處俱是虛妄猶如夢中若未全覺所見纖毫亦猶是夢中事但得無心即同覺後絕諸境界但有一微塵可作修證不思議解處俱不離三界夢中所見經云無有少法可得佛即授記無

續五

八

生死間無心者爲當離心是無心即心得無心答即心得無心問即心是有心云何得無心答即不壞心相而無分別問豈不辯知也答即辯知無能所是無心也豈渾無用始是無心譬如明鏡照物豈有心耶當知一切衆生恒自無心心體本來常寂寂而常用用而常

有心說人無心從有心中說無心有心中說無心是未觀無心中說無心是本觀衆生計有身心說鏡像破身心衆生著鏡像說畢竟空破鏡像若知鏡像畢竟空即身心畢竟空假名畢竟空亦無畢竟空若身心本無佛道亦本無一切法亦本無本無亦本無若知本

無亦假名假名佛道佛道非天生亦不從地出直是空心性照世間如日智論問曰若知心不可見佛何以故說如實知不可見心答曰有坐禪人憶想分別見是心如清淨珠中縷觀白骨人中見心次第相續生或時見心在身或見在緣如無邊識處但見識無量無

邊破如是等虛妄故佛言如實知衆生心衆生心自相空故無相相復次佛以五眼觀此心不可得肉眼天眼綠色故不見慧眼緣涅槃故不見初學法眼分別知諸法善不善有漏無漏等是法眼入實相中則無所分別如先說一切法無知者無見者是故不應見佛

眼觀寂滅相故不應見乃至不如凡夫人憶想分別見復次五眼因緣和合生皆是作相虛誰不實佛不信不用是故言不以五眼見又問曰舍利弗知心相當淨何以故問答曰以菩薩發阿耨多羅三藐三菩提心深入深著故雖聞心畢竟空常清淨猶憶想分別取

是無心相以是故問是無心相心爲有爲無若有云何言無心相若無何以讚歎是無等等心當成佛道須菩提答是無心相中畢竟清淨有無不可得不應難舍利弗復問何等是無心相須菩提答畢竟空一切諸法無分別是名無心相此無心相是即心無心非待

斷滅如經云若有衆生能觀一切妄念無相則爲證得如來智慧又且無心者不得作有無情見之解若將心作無此即成有若一切處無心如土木瓦礫此成斷滅皆屬意根強知妄識邊事是以稱不思議定者以有無情見不及故又澄湛是事當體是理事有願理

之功亦有覆理之義理有成事之力亦有奪事之能各取則兩傷並觀則俱是何謂顯理若妙性未發須假事行助顯莊嚴如水澄清魚石自現何謂成事若功行未圓必仗理觀引發開導何謂覆理若一向執事坐禪反迷已眼未識玄旨徒勞念靜何謂奪事若天真

頓朗如日消冰何須調心收攝伏捺故經偈云若學諸三昧是動非是禪心隨境界流云何名爲定是以不可執一執二定是定非但臨時隨用圓融得力自諸深淺若也歸宗順旨則理事雙消心境俱亡定慧齊泯如來嘉集云以奢摩他故雖寂而常照以毗婆舍那

故雖照而常寂以優畢又故非照而非寂照而常寂故說俗而即真寂而常照故說真而即俗非寂而非照故杜口於毗耶斯則不唯言語道斷亦乃心行處滅所以圓覺經云有作思惟從有心起皆是六塵妄想緣氣非實心體已如空華用此思惟辯於佛境猶如空

華復結空果展轉妄想無有是處問既不得作有無之解如何是正了無心答石虎山前闢蘆華水底沉問前標宗不言法相云何已下更用廣說諸識種現熏習差別義理瑜伽唯識百法五位事相法門答祖佛大意唯說二空證會一心真如本性所以百法論云如世尊言一切法無我云何一切法所謂心法云何二無我所謂人無我法無我若一切衆生但得人法俱空知一切法即心自性復更有何異法而敷演乎如瑜伽論是無著菩薩請彌勒所說論云無著菩薩位登初地證法光定得大神通事大慈尊請說此論理無不窮事無不盡文無不釋義無不詮疑無不遣執無不破行無不修果無不證正爲菩薩令於諸乘境行果等皆得善巧勤修大行證大菩提廣爲有情常無倒說乃至瑜伽中行觀無少法欲令證得及欲現觀或說究竟清淨真如名爲瑜伽理中最極一切功

德共相應故是以智者大師於淨名疏中問云今依龍樹之學何意用天親之義答龍樹天親豈不同入不二法門乎今本爲佛教隨義有所開而用釋何得取捨定執也若分別界外結惑生死及諸行名義當細尋天親所依若觀門遣蕩安心入道何過龍樹若不取

綱五

土

地論攝大乘論相映望者他或謂於非義理多端強說也故知菩薩製作一一關於聖典故非出自胷襟廣引證明今生聞慧宗鏡纂集大意亦同若不先明識論天親護法等剖析根塵微細生死又焉得依龍樹觀門遣蕩如無差別無可圓融若不先診候察其病原

何以依方施其妙藥只如淨名居士位臨等覺尚有原品無明實因疾未盡現受後有生死實果疾猶存如淨名疏問實報業障礙土等三細識六龐相一心真如生滅二門龍樹何得猶有煩惱四分之因疾答開菩薩自體製摩訶衍論引一百本大乘經證說八識心法界緣集即有四分所以然者取自體一實諦即是貪愛捨二邊生死即是瞋斷迷一實

出法塵全爲影事殊不識心王心所種現根隨微細根塵生滅起處心心流注念念現行如醉如癡懵無知者智燈旣闡定水全枯未審何門能得清淨但學成現高妙之語名標衆聖之前都無正念修行之門跡陷羣邪之後今普使知病識藥令得服行淨三毒之根見一心之性且如馬鳴龍樹皆是西天傳佛心印祖師馬鳴製大乘起信論廣說阿賴耶等三細識六龐相一心真如生滅二門龍樹製摩訶衍論引一百本大乘經證說八識心王性相微細等義云何未學不紹先賢可謂纏短而不勾深泉翅弱而弗能高逝又若不

先論其事相之表何以辨其體性之原如世間法未見其海爭識其波未見其山寧諳其土今欲惣別雙辯理事具陳不達事而理非圓不了理而事奚立故云理隨事現一多緣起之無邊事得理融千差涉入而無礙又從惣出別因別成惣不得別而何成惣不因惣

綱五十二

而豈稱別則理事惣別一際無差只爲今時但唯執惣滯理見解不圓法眼將明而不明疑心欲斷而非斷皆是理事成礙惣別不通故四弘誓願云法門無邊誓願學佛道無上誓願成何乃虛擲寸陰頓違本願守愚空坐韋負四恩若愚癡人不分菽麥似牛羊眼用

意在著衣不可棄衣取領若祇集而不叙如無綱之網若祇敘而不集如無綱之網故知理事雙明方通圓旨教觀齊運始達一乘且如等覺菩薩妙果將圓却入幻網門倒學凡夫事習世間三昧具工巧神通令之所宗且明大旨須先立後破以洗情塵然即破立同

綱五十三

時而無所破不同權教定執教相之有門寧甄別直須達事通理徹果窮因無一法而不明無一塵而不照則見聞莫能惑境界不能拘故法華經云佛所成就第一希有難解之法唯佛與佛乃能究竟諸法實相所謂諸法如是相如是性如是體如是力如是作如是

乘菩薩初地方了乃至十方諸佛本後二智

俱證俱緣若不證唯識之性不成根本智無成佛之期若不了唯識之相百法明門不成後得智闡化他之行此唯識百法者乃是有爲無爲真俗一切法之性相根本所以經云若不證真如焉能了諸行若不證唯識真如之性焉能了唯識百法之行相故云根本智

證百法性後得智緣百法相大乘起信論云信成就發心略說有三一發正直心如理正念真如法故二發深重心樂集一切諸善行故三發大悲心願拔一切衆生苦故問一切衆生一切諸法皆同一法界無有二相據理但應正念真如何假復修一切善行救一切

衆生答不然如摩尼寶本性明潔在礦穢中假使有人勤加憶念而不作方便不施功力欲求清淨終不可得真如之法亦復如是體雖明潔具足功德而被無邊客塵所染假使有人勤加憶念而不作方便不修諸行欲求清淨終無得理是故要當集一切善行救一

切衆生離彼無邊客塵垢染顯現真法起信疏云一直心正念真如法者即心平等更無別岐何有廻曲即是二行之根本二深心者是窮原義若一善不備無由歸原歸原之來必具萬行故言樂集諸善行故即是自利之行本也大悲心者是普濟義故言欲挾衆生

苦故即是利他之行本也又此初一直心唯正念真如之法是宗是本因此起深重心大悉心是行又開此直心爲十心一廣大心謂誓願觀一切法悉如如故二甚深心謂誓願觀真如要盡原底故三方便心謂推求簡擇趣真方便故四堅固心謂設逢極苦樂受此

綱五

十四

觀心不捨離故五無間心謂觀此真理盡未來際不覺其久故六折伏心謂若失念煩惱暫起如便覺察折伏令盡使觀心相續故七善巧心謂觀真理不礙隨事巧修萬行故八不二心謂隨事萬行與一味真理融無二故九無礙心謂理事既全融通不二還令全理

之事而相即入故十圓明心謂頓觀法界全
一全多同時顯現無障礙故即此十心理
行具足且無理不能導行無行不能成理可
謂即真如之理成真如之行無有一法能出
唯識之性相矣是知一心爲萬法之性萬法
是一心之相即性之相是一中之多性即

相之性是多中之一若不了性亦不了相其
相即妄若不識相亦不識性其性即孤應須
性相俱通方得自他兼利如首楞嚴經云幻
妄稱相其性真爲妙覺明體是以若偏執相
而成妄定據性而沉空今則性相融通真妄
交徹不墮斷常之見能成無盡之宗故知若

欲深達法原妙窮佛旨者非上智而莫及豈
下機而能通所以法華經偈云如是大果報
種種性相義我及十方佛乃能知是事又見
解圓明是自行解相應是足目足更資理行
扶助可趣涅槃之域能到清涼之池若定慧
未熏如摩尼之匿礦性相不辯猶古鏡之未

磨欲望雨寶鑒容無有是處若意珠旣淨心
鏡纔明更以萬行熏修轉加光潔如華嚴經
云佛子譬如金師善巧鍊金數數入火轉轉
明淨調柔成就隨意堪用菩薩亦復如是供
養諸佛教化衆生皆爲修行清淨地法所有
善根悉以迴向一切智地轉轉明淨調柔成

就隨意堪用然雖萬行磨練皆是自法所行
如先德云一切佛事無邊化門皆依自法融
轉而行即自心中有真如體大今日體解引
出法身由心中有真如相大今日了達引出
報身由身中有真如用大今日修行引出化
身乃至十波羅蜜一切塵沙萬行但是自心
中引出未曾心外得一法行一行若言更有
從外新得者即是魔王外道說問信入此
法還有退者否答信有二種一若正信堅
固諦了無疑理觀分明乘戒兼急如此則一
生可辦誰論退耶二若依通之信觀力羸浮
習重境強遇緣即退如華嚴論云如涅槃經

聞常住二字尚七世不墮地獄如華嚴經云
設聞如來名及所說法不生信解亦能成種
必得解脫至成佛故何故經言第六住心及
從凡夫信位猶言有退此意若爲和會解云
十信之中勝解未成未得謂得便生憍慢不
近善友不敬賢良爲慢怠故父處人天惡業

便起能成就大地獄業若一信不慢常求勝
友即無此失若權教第六住心可有退位實
教中爲稽滯者責令進修如舍利弗是示現
聲聞非實聲聞所作方便皆度衆生使令進
策如權教中第六住心可說實退何以故地
前三賢摠未見道所修作業皆是有爲所有
無明皆是折伏功不強者便生退還若折伏
有力亦不退失如蛇有毒爲呪力故毒不能
起但於佛法中種於信心謙下無慢敬順賢
良於諸惡人心常慈忍於諸勝已者諮詢未
聞所聞勝法奉行無妄所有虛妄依教蠲除
於三菩提道常勤不息夫爲人生之法法合

如然但不長惡而生何須慮退華嚴疏云深
心信解常清淨者信煩惱即菩提方爲常淨
由稱本性而發菩提心本來是佛更無所進
如在虛空退至何所

十六

宗鏡錄卷第四十五

綺五

聳息拱反攢在九反羈居宜反航胡郎反鑛也
古猛反 羣馬絆也 船也

忍之反轂苦角反捺奴曷反詣烏含反記也
金璞也 鳥外反 按也 諦也 記也

縛也反纏杏反施智反

縛井索反羽翼反

翅鳥翼反奚何也反瘞羽求反

也帶都計反瘞也反瘞也反

繫木繫宝草反

平江路磧砂等大藏經局伏承
妙明圓悟普濟佛尖禪師本路嘉定州大報國圓通寺
住持比丘明伏觀本寺刊雕

天藏經板勝事思念

濟寶勝緣千生難遇夙何善種今幸遭逢由是發心
施中統鈔壹頁助緣利雕功德上答

四恩下資三有法界有情同沾利益

延祐二年歲在乙卯八月

日題